

PRAVILNIK

**o pravu na troškove službenih putovanja,
kotizacija za naučne i stručne skupove
ili članarina u naučnim i strukovnim
udruženjima**

Maj 2026.godine

Na osnovu člana 69 stav (1) tačka e) Zakona o visokom obrazovanju („Sl.novine Kantona Sarajevo“, br. 36/22, 28/25), člana 111 Statuta Univerziteta u Sarajevu (br.01-14-35-1/23 od 26.07.2023.godine), Vijeće Univerziteta u Sarajevu – Građevinski fakultet na XI redovnoj sjednici, održanoj dana 12.05.2026. godine, donio je

Pravilnik o pravu na troškove službenih putovanja, kotizacija za naučne i stručne skupove ili članarina u naučnim i strukovnim udruženjima

Član 1.

(Predmet Pravilnika i definicija pojmova)

- (1) Ovim Pravilnikom se utvrđuje način, uslovi i kriteriji za ostvarivanje prava zaposlenika Univerziteta u Sarajevu – Građevinski fakultet (u daljnjem tekstu Fakultet), na troškove službenih putovanja, novčani iznos (troškove kotizacije), koji se u unaprijed određenoj visini uplaćuje za sudjelovanje na naučnim i stručnim konferencijama, kongresima, seminarima, simpozijumima i sličnim stručnim skupovima u BiH i u inostranstvu, kao i članarina u naučnim i strukovnim udruženjima.

Član 2.

(Izvor sredstava)

- (1) Fakultet, odsjeci i katedre obezbjeđuju sredstva za plaćanje troškova službenih putovanja, troškova kotizacija za naučne i stručne skupove i članarina u naučnim i strukovnim udruženjima, iz vanbudžetskih sredstava koja se izdvajaju za unapređenje rada Fakulteta i instituta, a u skladu sa odredbama Pravilnika o postupku ugovaranja, realizacije i naplate projekata Građevinskog fakulteta Univerziteta u Sarajevu 01-01-737-1/18 od 30.05.2018. godine, Odluke o izmjeni i dopuni Pravilnika o postupku ugovaranja, realizacije i naplate projekata br.02-1-20-1/26 od 08.01.2026.godine, Pravilnika o ostvarivanju i raspolaganju vanbudžetskim prihodima Univerziteta u Sarajevu (“Sl.novine Kantona Sarajevo“ br.7/16,37/17) i Pravilnikom o korištenju vlastitih prihoda Univerziteta u Sarajevu.

Član 3.

(Ostvarivanje prava)

- (1) Pravo na troškove službenih putovanja, troškove učešća (kotizacije) na naučnim i stručnim konferencijama, kongresima, seminarima, simpozijumima i sličnim stručnim skupovima ili članarina u naučnim i strukovnim udruženjima, imaju zaposlenici Fakulteta, a u skladu sa raspoloživim sredstvima Fakulteta, odsjeka i katedri.
- (2) Sredstva za troškove službenih putovanja, kotizaciju za naučne i stručne skupove ili članarina u naučnim i strukovnim udruženjima, mogu koristiti zaposlenici Fakulteta isključivo uz saglasnost odsjeka i katedri.
- (3) Zaposlenik Fakulteta koji želi koristiti pravo na troškove službenih putovanja, troškove za kotizacije za naučne i stručne skupove ili članarina u naučnim i strukovnim udruženjima, u skladu sa odredbama ovog Pravilnika, uz saglasnost rukovodioca odsjeka ili katedre, podnosi pismenu molbu dekanu Fakulteta.
- (4) Dekan Fakulteta donosi pismeno rješenje o plaćanju troškova službenih putovanja, troškova kotizacije za naučne i stručne skupove i članarina u naučnim i strukovnim udruženjima, u skladu sa raspoloživim sredstvima odsjeka/katedre.
- (5) Troškovi iz stava (4) ovog člana prvobitno se terete na odsjek/katedru. Refundacija se vrši na kraju godine iz raspoloživih sredstava Fakulteta. Na osnovu finansijskog izvještaja, na prijedlog dekana Fakulteta, Vijeće Fakulteta donosi odluku o iznosu raspoloživih sredstava za potrebe troškova službenih putovanja, troškova

kotizacije za naučne i stručne skupove i članarina u naučnim i strukovnim udruženjima. Utvrđeni iznos raspodjeljuje se ravnomjerno na sve nastavnike i saradnike Fakulteta. Iznos refundacije za odsjek/katedru utvrđuje se na osnovu broja zaposlenika tog odsjeka/katedre koji su ostvarili pravo na naknadu troškova iz stava (4) ovog člana, pomnoženog s pojedinačnim iznosom raspoloživih sredstava.

- (6) Zaposlenici Fakulteta koji ne iskoriste svoja pojedinačna raspoloživa sredstva mogu ih prenijeti u narednu godinu.
Prenos sredstava može se izvršiti najviše dva puta, nakon čega neutrošena sredstva postaju prihod Fakulteta.

Član 4.

(Pravdanje troškova)

- (1) Zaposlenik Fakulteta koji je koristio pravo na troškove službenih putovanja, troškove kotizaciju za naučne ili stručne skupove ili članarina u naučnim i strukovnim udruženjima u skladu sa odredbama ovog Pravilnika, obavezan je pravdati ista:
- podnošenjem pismenog izvještaja rukovodiocu odsjeka o učešću na naučne ili stručnom skupu,
 - podnošenjem svih računovodstveno finansijskih dokumenata o učešću na naučnom ili stručnom skupu ili članarini u naučnim i strukovnim udruženjima Službi za računovodstvo i finansijske Fakulteta u svrhu finansijskih knjiženja,

prethodnim dostavljanjem fakture za plaćanje članarine u naučnim i strukovnim udruženjima ili u roku od 5 dana od dana završetka stručnog ili naučnog skupa, čiji troškovi su plaćeni iz sredstava instituta odsjeka ili katedri.

Član 5.

(Postupak izmjena i dopuna Pravilnika)

- (1) Izmjene i dopune ovog Pravilnika vrše se na način i po postupku za njegovo donošenje.

Član 6.

(Tumačenje Pravilnika)

- (1) Tumačenje ovog Pravilnika daje Vijeće Univerziteta u Sarajevu - Građevinski fakultet.

Član 7.

(Stupanje na snagu)

- (1) Ovaj Pravilnik stupa na snagu danom usvajanja od strane Vijeća Univerziteta u Sarajevu - Građevinski fakultet.
- (2) Stupanjem na snagu ovog Pravilnika, prestaje da važi Pravilnik o pravu na troškove učešća (kotizacije) na naučnim i stručnim konferencijama, kongresima, seminarima, simpozijumima br. :02-1-1097-4/20 od 13.07.2020. godine.

Prof.dr. Samir Dojarević, dipl.inž.građ.



Broj: 02-1-648-3/26

Datum, 12.05.2026.